

二

知

軒

詩

鈔

二知軒詩鈔卷十三

定遠方濬頤子箴

古今體詩一百二十二首

甲子六月至乙丑八月

譚荔仙屬題虎門觀海圖卽和其自題詩韻

樞星之精降蠻服威鎮陽門怒潮伏浩淼不見天盡頭  
闢西扼險如防秋將軍足制馮夷惡大空小空雲外落  
峴崿中闢通混茫蜃樓界斷日月光詩翁豪興一再鼓  
予所題爲第三圖 晖睨宇宙合窮八荒手擎十丈珊瑚出波斯本  
擅陶朱術竭來珠海息狂瀾記否銀濤埋戰骨懸崖都  
帶蛟龍腥奔騰萬派浮重溟獅子洋邊猛虎嘯山風齊

作班奴聲朝朝暮暮乘潮往徑達青洲宿林莽浪白諸  
番有廢興爭如蠟鏡波平敝豁摩誰使丁甲開霹靂亂  
閃車轟雷笑他騎虎不得下何日飛過南北臺澳門亦  
有南臺  
北臺二山側身還向中原望一漚高下征帆颺六門畢竟此  
稱雄令我披圖增感悵

題朱雲門高涼攬轡圖

橫戈躍馬向蒼梧往日雄才敵萬夫要與驛驅爭道路  
世間局促半轍駒

勦業流傳古夜郎君昔典  
郡施南亭邊問月任徜徉昂藏獨抱  
澄清志重入蠻天瘴癘鄉

淒然墨經賦長征航海人從間道行忽覩白花塘水赤  
兩軍連破十三營

高涼嶺上烽煙靖歸卧橋虹峽月間

君近膺河南橘虹  
峽月樓將返都門

恨不相隨薦門去騎驢冒雪看西山

和陳懿叔學受見贈詩原韻

盱江有畸士飄灑如閒雲長揖傲王侯高論驚時人乘

興到南海滂沛吐寸心幕府攬英豪

君入中丞  
郭公幕

道義相

研尋未獲展良觀先聆金玉音

君以贈華樵雲七古和  
予放歌行三首全韻並

登越王臺游海山醉鄉一何寬沈酣無古今紅棉飛滿

臺丹荔燦垂林君猶萬壑松琴名我慙百衲琴

懿叔復投兩詩予亦兩疊韻答之

生平慕韓孟追逐龍與雲攤卷伏牖下大抵非通人豁達障翳開一片空明心眼前拈妙諦了不費搜尋淡泊殊有味寂寥堪求音真氣塞宇宙愛古奚薄今斯爲上乘禪恍游簷葛林箏琶徒悅耳漫敵無絃琴

珠江潮浸月樵山峯插雲簿書日墳委寤寐懷碩人瓊琚屢拜嘉稚誦消塵心祇以才力弱門徑窮追尋天憐苦吟癖隨處邀賞音不朽安可期悠忽去來今幾時遂初服把臂偕入林山巔及水涯長歌和玉琴

題舒錦庭

銕古眉峽殺賊圖

不識參軍面披圖想戰功蒼梧羣盜起將帥幾稱雄  
峽雲如墨睂江水若弓底須談四鎮叱咤萬山中

雲門送菊歌以謝之

浩翁詩嘲抱官囚青山排闥不許游我到羊城四閱月  
何嘗縱步登靈洲前羅松桂後栽竹衙齋鎮復清且幽  
紅蕉倚石弄姿態霜鬢顧影殊含羞重陽今歲少風雨  
冷香未放東籬愁草堂開樽勞夢想作歌空憶燕臺秋  
去年會作憶菊歌

花田盈盈一水隔仙湖街名架屋難呼舟故人

忽地載花至令我狂喜揩雙眸鏤瓊堆玉若張繖一本  
乃有三十頭秋容絢爛埒姚魏上脈肥沃鍾炎州海幢

寺僧擅絕技種菊成樹罕與儕階下愧倒灌園叟物色  
至此洵拔尤勝之綽約洋花 儼菊婢綠窗漱灑紅霞浮

名

儼菊婢綠窗漱灑紅霞浮

淵明無乃詫濃麗范村舊譜須重修惜君正欲泛香海  
曷不對花傾滿甌夕陽西下仍綢繆胸中頓覺吟興適

月光如水橫簾釣

和劉雲生

錫鴻

題嶺南唱和詩韻

忽聞海上琴激越空塵心鶴唳一聲起咽住蛩音聳  
身霄漢間舉手堪捫參不觀三峽水泛濫山渟渟南國  
生偉才實此圭璋琛喟然軒時艱倚劍浩孤吟躍馬渡  
灘江英風騰桂林願師景畧談羞同子光瘠北征佐幕

府車笠前盟尋歸來捍粉渝大力撞羣金軍興十餘載  
艤架紛戾蟬如子信卓犖抗節忘華簪勢分薄軒冕理  
欲爭人禽新知等故交據鞍追樊深胸中釀書味雅奏  
譜萃芩于喟絕凡響投分非虛欽

雲門招飲河南寓齋疊前韻

藐躬不合區中囚飄然且自乘湖游漱珠橋畔一凭眺  
彎環溪峽通雙洲河南有鰲鶴二洲小春花事海天盛雲霞點  
綴軒窗幽招邀共赴湯餅會君新有抱孫之喜宣窯斑駢羅珍羞  
回思昔年讌南雪伍氏園中軒名推襟送抱消羈愁渡頭村  
夫不相識重來荏苒十四秋頻婆酸榦北地果霜菘同

載津門舟豈惟菊蟹

羹

作詩料香醪注盞酣吟眸淡中

滋味耐咀嚼禪蔬乞從僧鉢頭

席間有海幢寺羅漢齋一孟

恨無長

房縮地法願得快剪如并州杖藜敲門日過訪望衡對  
宇皆朋儔不衫不履大自在只談風月夫何尤鄉山近  
已烽火息宦海我尙萍蹤浮逍遙獨羨借廬客

謂俞麟士此

福信是前生修有酒可醉便須醉主賓一引連十頃別  
緒紛若絲相繆過歸肯負清夜迺釣詩使筆呼爲鉤

答雲生和詩疊前韻

三友詩酒琴莫逆香山心翳子僅二友推敲傳雅音度  
嶺酒並疏歡伯愁商參珠江遇強敵大波軒洪溟珊瑚

與木難捧出鮫室琛昂藏吐奇氣側耳聽豪吟香生藥  
洲畔斯爲簷葡萄林驛一噴沫萬馬同時瘖天衣妙無  
縫鍼綫何從尋低頭學三拜壇坫雄卯金結習本未忘  
放衙還擁蟬嵯峨囑桐柏自笑如胎簪那有尺寸枝能  
栖垂天禽我詩寄託淺我友諷諭深相將締芝蘭匪獨  
歌蒿芩清於鼓雷威礪若觴麋欽

題俞麌士歸岫閒雲圖

識君初典白雲司正是飛騰霄漢時肯戀家山黃海畔  
要敷霖雨錦江濱溟鵬那及扶搖遠蒼狗俄驚變化奇  
出本無心歸自得浮邱越秀好栖遲

竟日峯頭攀絮忙，卷舒不定上天闕。  
忽將紺綬繢粉態，送入沖虛澹漠鄉。  
大地飈輪空鼓盪，幽居林屋任徜徉。  
會看暮景成卿靄，復旦重依日月光。

招劉雲生朱雲門俞麟士小集二知軒雲門麟士  
暢談游跡雲生輒成長歌見示和韻一首

小春偶舉菊花會，詩豪鼓勇先披旆。  
形骸脫畧杯酒間，匪以勢交以道。  
曾詫君胸有記事珠，善忘我願操慧貝。  
捫葛攀蘿若平地，乘風破浪儼浮芥。  
當年入蜀王子安，慣把江湖比涓涓。  
昌黎乃愁華岳高，欲下不下趾胡鉞。  
龍溪俞三淘健者，登臨攬盡域中大。  
雲門自謂堪頽頏。

放步卽到滄溟外銀濤照耀珊瑚竿紅虬作脯巨鼈膾  
瞿唐灔澦亦曾經只憑忠信神力丐抵掌對花說蹤迹  
眼前厯厯猶如繪於今攜手五羊城憶否樓船同下瀨  
劇憐身爲一官縛握算持籌原不奈也思泛海怕乘槎  
便想游山嬾張蓋喬公謂鶴僕<sub>中丞</sub>書至更軒渠俗吏果然  
此稱最林下婆娑未白頭謂麟士清福故應天所賚多少  
東籬盼客歸酒闌夢醒無寥賴

東麟士索飲疊前韻

詩人例有蝴蝶會開樽共餞還鄉旆雲門將北旋待尋鷄嘴  
理園畦君喜藝菊屬雲門明春擣桂種至粵先勑貓頭付庖會往者座上

客常滿駢羅珍錯拋泉貝纏綿絕類繭抽燭契合何殊

珀拾芥大呼直上糟邱臺酒徒量濶溢清澮醉鄉淹留

那忍別月落參橫停玉鉞韋杜城南錦繡堆四時爛漫

花枝大自君去作凌雲游我亦飢驅國門外相逢倏在

十年後老饕羨煞鱸魚膾莫憂邇日詩腸枯膏馥儘容

一沾丐豪吟慷慨數朱翌

謂雲門

新知解后得劉繪

謂雲生

二雲俊逸空人羣有似飛湍鳴雪瀨英思壯采兩鬱蟠

瘴雨蠻風久禁奈相期葆我歲寒盟漫云終日樂傾蓋

春明故舊半零落屈指惟君才調最重敎日下擁雙輪

底事山中延十賚把蓋偏將畫訣談神韻清幽消俗賴

雲生約賦小言疊前韻三疊前韻奉答

詩龍酒虎誇盛會，騰踔風雲樹霓旆。  
要爲乾坤補化工，可堪塵市匙良憎。  
卞和自謂挾奇璞，光采漫敵南海貝。  
仙家日月歸一壺，須彌佛云納諸芥。眾生等是恒河沙，  
滄江譬猶溝畎澗。  
寸心剖析通毫芒，萬物小中能見大。  
半山有句同浩歎，身落俗甯宦途鉅靈區。  
結想浮邱嶺，逍遙罕到藥洲外。  
君約十七日  
飲於學海堂俗子厭嘗骨董羹，高人飽飫郎官膾。  
風騷重比興，花鳥蟲魚入雕繪。  
行年五十愧東野，輸他日坐投金牋。  
成竹在胸子固優，如瓶守口予豈奈妄思。

虛空破羣碎動覺支離出區蓋馬蹄秋水得真詮吾鄉  
漆園吏尤最本爲下界蠻虜臣一粟一絲天所賚宋玉  
大言姑置之須知浩蕩難倚賴

瑞澄泉將軍督修保釐耆定保極拱極四礮臺成

毛寄雲尙書招隨 郭筠仙中丞暨李筱泉

方伯郭玉麓層嘯箕兩觀察同往驗視歸集於

山響樓敬賦四首

削平南服倚雄藩聞諸破臺皆耿  
向兩藩所築壁壘強於萬馬屯機

運佛郎鳴霹靂威揚我 后邁軒轅問誰虎向室中引  
任爾蛙居井底尊一自烽煙迷海市縱橫斷碣卧荒墩

入趨黃閣領白司出鎮炎州擁節麾心以休休能集益  
躬仍蹇蹇不忘危旌頭遠射無邊患犄角嚴防有故基

冒雨衝風鼙鼓奮興酣灑墨更淋漓

四破臺皆將軍書額

迤邐東郊轉北郊纔登峯頂又崖坳磨旋天亦安坤軸  
孟仰雷原象震父城上仙羊重下降幕邊飛燕盡來巢  
此行豈爲看山色夾道榕陰響鐃銚

象洞於今樹戟幢

謂方軍克復武平縣

直驅蛟鱷入漳江程鄉境

內頻增戍臨允山中已受降

謂五坑逆酋就擒客民乞撫

大府和衷

堅眾志元戎肆武靖蠻邦楚庭一望消氛祲喜對晴雲  
瀉酒缸

王靜山都轉招陪王漁莊學使醉後戲作主客行

主人七十飲尙豪神采奕奕酣香醪白雲直踏山巔高  
君近遊健步底須筇杖扶宦遊所歷皆危途卻喜初服  
白雲山能遂吾抽簪猶然滯珠海紫閣藍田屯甲鎧打破愁城  
醉鄉在不飲不醉真俗人低頭怕涴淵明巾糟邱脾睨  
無等倫主人選客非從苟黃金臺畔壯士多驅車冒雪  
卷白波大戶誰匹王太史每道椒花淡如水甕邊畢卓  
翻可恥我已頻年辭酒國勅敝相逢逃不得放膽那畏  
長鯨逼當時惜未同看花鞭絲遙指青帘斜摩抄霜靄  
流光睞君言觴政烏容寬爾我曩作京朝官形骸放浪

拚盡歡眼中不管蒼狗變耳內不聞蟻穴戰酒徒甘把  
黃封戀初傾蕉葉旋巨觥胸次芒角森縱橫茫茫銀海  
花亂生遑問青州與平原狂瀾倒漾舌難捫從事督郵  
棄甲奔曹騰歸去日將夕邀入黑甜殊快適忘是好音

堂上客

題郭志城珠江讌游圖

圖爲荔仙作

珠江水比三湘潤南楚騷人此泛舟幕府墳旛傳絕調  
澄潭風月寫離愁時荔仙將歸湖南迷漫儘有浮空蜃浩蕩何  
如狎浪鷗我昨乘潮因訪菊徑穿溪峽上蘆洲

學海堂訪梅同雲生作

頻年管領梅花國不辨南枝與北枝

予在韶州四年未嘗一至梅關度

嶺記逢春爛漫行吟忘卻路崎嶇

辛亥正月度嶺曾作張文獻公祠梅花歌

只今歌舞岡前眺偏作羅浮夢裏思宋宗空林無鶴守

且斟芳醴醉經師

堂後爲阮太傅祠

蛟脊何曾有凍雲冬來炎崎嶇如薰癮仙骨格才人韻

隱士丰標大雅羣地滙百川膏自沃香遲一月酒重醺

用楊誠菴更爲梅兄留一月句意孤山鄧尉殊迢遞聊復幽探遠俗氛

題懿叔詩集卽和其題嶺南唱和集三疊韻

脫屣榮名耽著作到處勾留山水樂傲骨那受塵網羈  
接武任棠與黃錯朱門乃慕高士風各行其志奚從同

淋漓元氣自揮灑翻覺爐錘皆俗工

崕嶧想見少時作

集中所存皆三十以後詩

晚年更得推敲樂大抵

詩仙屬酒仙乾坤造物何曾錯曠達雅有劉伶風兀奡

又若涪翁同綠山笙鶴調迥別君家廣夫

先生之弟

評最工

邇日越臺多傑作拓開金戟酣歌樂錦囊貽我英瓊瑤  
不才端賴他山錯抗志力挽浮靡風吐棄凡近羞雷同  
町畦脫去門徑化無意求工卻至工

寄雲門京師四首

歌舞岡前客乘潮下海門雙輪風鼓盪

君乘火輪船至上海萬片

雪飛翻飄瞥逾南紀侵尋駕北轍計程過滬瀆山店獨

傾樽

多感綢繆意瀕行兩寄書遠貽榔茱種絕勝藥洲蔬肉食殊堪鄙家園久不鋤燕郊菘正白羨子賦歸與

此日金臺侶圍爐興頗豪花枝迎月豔歌舞管遏雲高甫卸青絲絡旋斟玉色醪輭紅重踏徧那覺醉鄉勞

錦棚雖爛漫都不及紅棉古寺呼鑾道春風二月天莫貪韋杜景早上直沽船驛使將詩去迢遙索和箋

題王靜山仗劍獨行圖

吁嗟乎世間何地非危途白日四竄狼貔軀莫憂烽煙阻關塞膽力自足雄萬夫峩冠博帶腰鹿盧徑思倚天

還所地眼中多少不平事百鍊今成繞指柔引杯耐可  
嘗騰醉詩人動歇行路難胸次豁達蠶叢寬防身有汝  
不須僕珠海罷釣珊瑚竿陰山雪結青芙蓉魑魅遑敢  
攫其鋒岩峩直躡蓮華峯明星玉女紛相從傲骨凌嶒  
老逾壯白頭猛敵河西將吐氣猶衝霄漢閒步趨迥出  
風塵上嗚呼劍兮劍兮真得人手握靈寶變化隨屈伸  
霜鏃淬厲更比吳鈎純誰其鑄者鵠九倫能使險巇俄  
坦平與道大適無亨迺百年永葆蒼龍精

憶子聽弟應試金陵

王師六月下金陵殘寇皆如被凍蠅掃盡櫈槍燼奎璧

天教侯伯翊中興

偃武修文慶典頒遙知喜氣滿江關求賢特爲開冬榜

桂樹青青也耐攀

試期十一月詩題爲桂樹冬榮

嶺南春暮共吟哦早下鍾山奏凱歌到此果然詩識合

不須盾鼻墨重磨

黃九詩篇陸九文一門羣從孰如君驛騎那受鞭笞困  
直向天街去羈雲

得少仲自金陵寄書感賦二首

十五年前同作客君居城北我城南招涼水榭月將墮  
賭酒玉缸花正酣別後鼓鼙喧戰壘空餘雲樹點江潭

剝那已換滄桑劫笛步遺墟忍再探

桂海遄歸又北征  
皖公山下請長纓  
魚書迢遞通炎嶠  
蜺旆追隨到石城  
掃穴犁庭真足快  
頽垣斷礎不勝情  
似聞雪壓青溪岸

開金陵大雪

應對梅花一倚聲

筠仙中丞命和滌生通侯相國壽介弟沅浦中丞

七絕十三章原韻

膚公已奏石頭城  
天闕嵯峨瑞靄橫  
翻笑班超仗投筆  
須知新建亦儒生

夙仰承明著作年  
結廬人境道心堅

相國昔寓京師南  
境講易見天心  
二句傍於門  
橫術以結廬在人

飄飄自具凌雲氣  
不假扶搖上九天

蒼梧風勁角聲酸保障中原岌岌難剛大居然塞天地  
胸中真有怒蠍蟠

鄉園初練五千師一片丹忱 聖主知震撼危疑都不  
管服公鉅任獨肩時

皖南皖北靖烟塵何幸鱗生作部民阿弟謂九弟濟益爲言  
軍帳暇追草山谷妙通神

舳艤銜尾渡江來博望天門鎖鑰開兩載屯兵資挹注  
羽書飛到越王臺

韜鈴掌握決先機霆擊雷轟匝四圍元武湖邊雲似墨  
看拋金甲脫弓衣

心若中泠第一泉楚山重詠玉壺篇析圭儋爵尋常事  
散髮瀟湘櫂晚烟

蓮花幕裏萃英髦漫比羊頭寵濫叨又報軍符下巴郢  
運籌無乃相公勞

玠璘璣璞史同書約約櫈槍力掃除位埒三公頭尙黑  
高歌莫放酒尊虛

角巾那許乞閒身五管來專有腳春羨煞聲名儕薛鳳  
墳篋總不愧詩人意城太守亦有和章

自笑鹽官難免俗故園歸去悵無家十年不到雞鳴埭  
空復相思珠天涯

造極登峯厯萬巘信今傳後更何疑蕪榆不分千鈴閣  
權當花飄學步時

游藥洲贈漁莊學使

兩樹梅花艷晴雪萬竿修竹篩午陰南漢仙人已長往  
銀潢槎客何處尋擦奇竟露老榕腳訪古上慰蘇齋心  
九曜不同五羊膚宗工寶若干珠琳

謝雲生送墨蘭和元韻

妙挽何須倩守真天然潑墨化工呈花疑書帶中間綻  
香比喻麋分外清木筆多應傍林薄金壺空復憶承明  
元霜肌骨殊高介九畹從教壓眾英

懿叔以二詩乞酒予因贈以兩賦並和原韻奉答  
酒雄詩故豪汪洋波卷白興來卽燃髭無意轉奇特西  
軒饒竹木雅稱幽人宅所乏酒如淮徑思導桐柏我尊  
幸不空君詩匪易得

坡公真一方淡過蓮花白甜酸弗及苦終讓越中特乾  
坤闢醉鄉狂奴此安宅冬心澆愈堅足傲凌霜柏萬事  
須破除麴生那拋得

除夕口占和懿叔謝酒詩韻二首

春遲十日回正月初九  
日立春梅雪灑青苔半百光陰過無窮  
詩境開花田舟已泊謂劉融  
齊學使宦海客新來謂恩  
峯別駕明日

故人聚逢迎殊快哉

遯翁

懿叔  
自號

何所遯覓苟且銜杯殘臘難爲別增年况不

才杜陵歌跌宕周處記淹該轉笑天癡甚東風費剪裁

乙丑元旦試筆

觚稜遙憶五雲邊判袂鸞臺已六年星斗橫空人擾擾  
文明門外去朝天

萬壽宮在  
文明門外

趨蹻纔入長官衙又向珠江迓使槎

融齋  
適至

日午歸來窗

色艷嫩紅新放九鐘花

蟹爪水仙和雲生韻

湘客胡爲擁劍行儻蘭偏得菊花名

吾鄉菊花有老  
蟹爪一種最奇  
渾

疑執穗逢漁父端合超塵伴石兒綺席擘霜秋有韻瑤  
階步月夜無聲幻成白八縱橫態便不持杯也動情

棐几香鄰佛手邊生憎一例蒜如拳雕鏹妙肖含黃伯  
變化離奇姑射仙玉面檀心空色相蘆根沙畔宛延緣  
蠻天久滯鴻泥迹風味江鄉夢屢牽

題林薌谿同年一燈課讀圖

嶧屺山人已白頭青燈尙似兒時戀海內經師信無匹  
書成獻納延英殿君著三禮通釋於咸豐壬子歲進呈奉詔褒獎榮以學官廿年

同譜隔天涯昨歲羊城甫相見焚膏兀兀那肯休畫圖  
示我牛腰卷卷中筆墨饒古香母課兒讀夜未央懼兒

廢學投井水昂兒近聖窺宮牆

事詳吳太孺人本傳

兒幸成名母

安在短檠相對空涕滂大書細字垂琳瑯瑤文宗絡秀形  
管芳鳴呼不有此母焉有此子精華洞燭古人心孔鄭  
於今復生矣挑燈讀畫兼讀詩使我恨遇山人遲門前  
井闈可如昔射鷹樓上寒颺吹不獲登堂拜母瞻威儀  
鄉園寥落共此風木悲孤負太乙下燃藜浮光掠影徒  
茲疑傳經韋幔上與古人齊義方厚植儒林基此圖絕  
勝籞金遺

舟中口號

淺淺春潮漲海門一江吹縑綠波痕詩情多在沙棠檠

細雨斜風到鴨墩

夜坐看牡丹

琉璃窗外富春色直化吟窓作香窟紅燈催上鼠姑妝  
東風那費吹噓力木棉未開汝先開壓倒羊城錦繡堆  
眼中只有花世界睡魔卻走詩魔來

袁端敏公挽詩

同治二年夏袁公薨於陳踰歲赴至粵開函涕沾巾載  
讀公子書亟思顯其親辭賻丐詩篇鍾生實不文維公  
秉節鍼爲國消祲氛十年鎮鍾離豺狼階下馴長淮二  
千里稱頌弗絕聲兒童及走卒咸知都堂名三朝荷

寵眷盡瘁甘致身一旦遽騎箕海內都酸辛 帝曰  
天不弔奪我柱石臣 賜之祭一壇綽楔崇祠新爰詔  
太史氏汗簡垂殊勲如公世有幾生死兼哀榮京華士  
大夫銜悲作歌行洛中諸耆宿述德揚藻芬鴻章並鉅  
製紛向靈墀呈鋪張千萬言曷罄公生平竊謂哀挽詞  
流露關性情諛慕非不工塗澤轉喪真我昔官中書公  
時直樞庭 御園輒解后風度何端凝虎頭而燕領骨  
相超等倫果然擢蘭臺峻潔猶冰廳六策信詳瞻兩疏  
彌樸誠 先皇御極初威鳳朝陽鳴避駢到魚龍鐵柱  
瞻峻嶒惜我奉諱歸末由式儀型每逢邸抄出雒誦心

爲傾天胡刦運開釀禡首桂林長驅犯湘鄂跳踉佯狂

鯨皖江久設防顧同鳥獸奔可憐數萬眾一日守不能

吾鄉亡命徒平居喜鬪爭甫聞省垣破相將奮棘矜殺

氣滿郊原竟夕雷礮破犧牛易刀劍禾黍埋荆榛倉卒

舉鄉團募勇以代兵紀律姑勿論操戈強且勍公繼文

忠周檀蓀先生後羣盜方趨趙哀哉呂侍郎援絕殉舒城外

憂已逼近內訌交沸騰彈丸蕞爾區危矣難自存賴公

任艱鉅先安譙縣民移防至濠州父老懽呼迎戚家鴛

鴛陣步伐殊嚴明公能仿此意運用憑一心匪等瀛上

戲儼如亞夫營猶記癸丑夏謁公禹會村泊乎駐臨淮

明年歲甲寅請師師卽來震迅馳風霆築圩敢負固螳  
斧當車擣我意須合圍釜底皆游魂那期令剛下蛟鱷  
潛脫督願留幾隊師剗除絕祿根公曰此么麼我兵乃  
重煩不見龍眠山白晝烟霾昏我復前致詞得勝機可  
乘餘燼倘未熄斯須仍燎原遑爲一家計閔彼蚩蚩氓  
荷公慨然許闇闇慶更生還語眾鄉里轉輸竭金繒仗  
茲貌貅威一一弭亂萌殘冬再渡淮風鶴了勿驚阿叔  
謂錢君先叔  
扶病去衝寒忘呻吟無力捍桑梓重來敝軍門  
南望倍嗚咽血濺肥水渾奈何自斷臂坐聽壞籬籜當  
年馬伏波尙遭薏苡冤單車正北上太息渦河濱公志

不少挫公節乃益貞盤錯得利器 九重鑒惄忱遵渚  
詠飛鴻壁壘如前屯稂莠拔漸稀荒蕪有人耕恠底若  
蟻蠶爬搔旋復生布網獲幾免擊羈困饑鷹迨我入烏  
府公又擁蜺旌憶否蒹葭移祖餞列芳樽故園已瓦礫  
相對淒不勝豈惟伏莽多反側大有人頑苗最難格鄭  
重向公言以公包容量江湖共淵渟以公剛介操鋒鍔  
加礮砲險阻一無悔喜怒兩不形騎兵與悍將帖然受  
縱擒信賞斯必罰盜亦感公恩佐公有豪傑孝廉臧紓  
青西楚諸健兒忠壯營名偕使令孤軍竟深入彎弓射天  
槍先公地下游浩氣梅山橫卓犖長公子謂後午弱冠侍講

登蓬瀛恥爲章句學仗劍隨東征朝揚校閱旗夕挑起  
草燈戎幕代公勞胸蘊韜鈴精偶然返帝都玉尺秋  
闈分幹濟頗需材辭闈還請纓迹公所處境因困而愈  
亨當其握兵符那覺牙纛尊投廩宏採納于野芻蕘詢  
所以胡氏子謂懷遠民人胡文忠鬻女行伶仃上書御史臺雖死  
目不瞑直道在天壞古風原未泯我友謂林遠村亟入告截  
然判渭涇使公今尙在功豈下左曾謂曾侯左伯扼賊北竄  
路徐圖收金陵吁嗟二豎擾弗令事業竣拜疏乞骸骨  
歸侍北堂萱虧饑燭州來負恩背朝廷詔命起籌  
邊力疾保榆枿喃喃語國事左右不忍聞六月廿四日

巫陽下丹闕  
驂輪掃邪魅  
豐隆逐忠魂  
公生有自來  
爲嶽爲星辰  
絕無遺憾留  
英名滿乾坤  
繫子滯嶺表  
睽違六七春  
素餐匙建樹  
從茲失典刑  
生芻遠莫將  
目極天南雲  
長歌以代哭  
差異人所云  
大招孰能擬  
萬古推靈均  
杜陵八哀詩  
學步愁逡巡  
遙睇光武臺  
嗟峨勒貞珉

小齊四首

小齊誰勅始同州  
王使君

謂靜山

高築廳西屋  
清幽無俗

氣曲闌涼月浸  
虛牖好風薰  
卽此堪容鄰  
敲詩到夜分

小齊何處近地近  
蘋洲邊  
昔日雙湖水  
於今萬竈烟  
謂西湖兩街  
霸圖空有石人世  
幾真仙觸起滄桑感  
昂頃欲

問天

小齋生意足春日吐秋花雨澹金英色

黃菊  
尚開

香霏丹桂

芽拂牆榕葉密穿榻竹陰斜綽約來番舶龍宮剪赤霞

小齋殊靜闊插架古人書莫使閒鳥免拚敎飽蠹魚研

尋入幽宵捃摭勝空疏

新從許子雙司馬處  
借得南北史拾華

攤卷消長

畫浮雲任卷舒

春寒

朔風吹冷尉佗城珠海迷漫有凍鯨雪意在天霏作雨  
雷車偏讓阿香行

和雲生題先通奉公墨刻詩用原韻

論書宗派多結構推第一今人好碑板收弄唐宋物膚

鼎易亂真貌取子羽失劍拔弩張態無肉空有骨懸臂

作中鋒妙悟撥燈出公權傳筆諫于此驗心術追摹千

載後篆黍毫不溢先公在餘杭墨寶展遺蹟

道光乙酉先

公得宋拓元  
祕塔於杭州白麻蟬翼揭圓腴還密粟方知效顰者毋

乃太唐突西陲三萬里揮灑舒抑鬱草堂歸課兒伸紙

卽呼叱欹斜若蛇蚓塗抹壞姿質豈惟面目非坐致性

靈汨植躬天地間俯仰見鍼蟲用志苟不紛遑愁手攬

脫精神默貫注專詣絕恍惚勻排九宮內卓立堅壁屹

猶記趙太守

謂季由先生

從容講執筆證之聞山歌采入半

圓帙

梁開山先生執筆歌  
已刻入蘆餘偶筆中

管分上下中法備什六七董

其昌

沈荃

王鴻緒

張照

何宗

國

授受匪輕得虛舟

怕談禪綴拾

字五百

謂反經箴

和平中正音洵足已

憤厥君詩益予愧蹉

跎艱繼述五年願始償珍重等合璧

固於庚申出都時

從子嚴五弟處索

得反經箴臨本因韶州無良工遲至去年抵廣州

始倩手民摹勒成冊益以元祕塔臨本都爲一卷

毛錐

歎無用侵尋已白髮琳瑯灰燼餘瞻懷徒慙恤

李貞女詩

貞女氏李幼字張及笄未久兮夫以疾殤黃鸝孤飛兮  
云胡不傷我思古人兮令女共姜一解毀我容飾爰束  
其髽別我父母曰歸夫家欲從夫於地下其如舅姑何

二解

舅卽我父姑卽我母舅姑得女如得兒雖不廟見

亦爲婦我夫在九京默鑒此心否

三解

姑體不適女左

右扶持之姑病勿瘳女刲股以進之夜禱於天願以身

代兮克貞克孝彼蒼應厚其報施

四解

天之待女吁嗟

何酷初以猶子爲子子竟不育宗人曰噫再求似續阿  
姪文燕視若已出含辛茹苦旣顧且復提攜保慰我

嘆獨

五解

嗚呼女兮自歸夫家不出戶庭者二十有四

年冰霜未足喻其潔金石奚能比其堅仰事俯畜洵無  
愧於所天值粵冠之東下起肥上之烽煙知劫運方盛  
兮弗忍見鄉土之戈鋌遂乃怛然坐化神返於瑤宮絳

闕之間六解嗚呼貞女之歿十年矣誰其傳者方伯李文燕外舅詳懿美濡墨作記光女史敬告有司上天子七解夢圓聞之作歌以和表此至行風彼衰懦丈夫覲顏事二主忍恥須臾失節大可憐不如一女子白璧皎皎那有纖塵涴八解

喜晴

悶損春陰一月中金烏出海乍騰空蒸開宿雨霏霏霧剗斷癡雲翦翦風庭院最宜光澹沱乾坤都覺氣冲融園丁爲我添詩興山客移來躑躅紅

李恢垣

光庭

吏部和陸字韻題嶺南唱和詩復和

一字韻題先通奉公墨刻報謝一首

李侯兒若癯仙癯才思橫溢追髯蘇輳紅塵裏數相見

不知我友工唱于徑拋簪笏游頂湖執經請業環生徒

君主講端溪書院崧臺嵯峨湘峽峭錦囊佳句無時無歲云莫

矣歸責禹春陰閉門唾成珠恆君底有嗜痴癖詩律弗

道鹽官驪江郎此時返直廬白門昨來阿弟書

昨得子聰書云

容方於去職由金陵北上子聽之交亦將赴都引見聯鑣燕市快馳逐離懷

悵惘天南隅把盞幾曾吟興孤仇爽君與劉伶

謂雲生

錦箋絡繹荷題品深情厚意增感吁青箱零落兵燹餘

煙雲過眼還太虛流傳海內重先澤八法自媿臨池疏

胸羅經史涵膏腴矣至搜索腸爲枯挽强命中信神勇妙筆圓轉如輶轎况復高蹈師潛夫不嗔不笑顏謝殊可容相隨挂帆去桃榔亭畔偕提壺

題德菴所藏褚河南臨蘭亭敘墨蹟

鼠鬚蘭紙較何如貞觀當年應詔書要與魏公爭嫵媚螭坳風度想魚魚

宣政圖書一色新

卷內多宣和小印

帝男骨格自嶙峋

卷首題蘭

亭真蹟四字絕佳引章日

皇明帝男又有益世子章襄陽題後巴西賞米芾鄧文原書後

玉枕雙鈞無比倫

運腕空靈雁塔碑一波三折故多姿中州寶物歸何處

道光丁未門人劉潤爲子言家有補河南聖教序真蹟在其令弟鏡河前輩處署廣州太守時已因亂失去矣鄭重仙山好護持

艨艟化作米家船

謂吳璧珊軍門萬道虹光闊斡旋似此唐臨

能有幾炎荒石墨待重編

和恢垣舟中見寄疊前韻

羚羊峽口來詩癯扣舷高唱驚樵蘇瀾灘頓挫聲調叶渾疑按譜吹茵于此間卽是耶官湖俗人那識神仙徒酒酣興發一噴吐塊壘忽覺胸中無流光駿駿日轉禺開函如獲頽虬珠化工炎方細包孕荔枝笑煞楂梨麤宦游久矣荒田廬羨君歸尋種樹書長安故舊悵零落

萍蹤偶聚佗城隅端溪遠泛扁舟孤襟懷浩蕩鷗鷺俱  
枝頭嚶鳴正求友蠅蠻謾足同喧吁耽吟差免嘲朱餘  
賈勇勿令壇坫虛雨窗快意讀新什想見岸幘容蕭疏  
坐對星巖斟瓊腴自適其適忘榮枯惟他抱瓶汲井水  
欲下不下絲凍轄我非退之君雲夫天然嗜好酸鹹殊  
相期砥礪出埃壘一峯獨秀凌三壺

齋中漫興三疊前韻寄恢垣

稚松不肥如竹癯盆花喜被春風蘇茶梅殷紅杜鵑紫  
關干一色青蔓于北鄰藥洲南仙湖翰墨招邀崔魏徒  
背賢於此盛文謐謂曾賓谷先生風雅誰道提倡無聯裾接袂

歌禹禹鏤金錯采盤走珠直須神向寸管攝應防氣爲  
三杯麌不登泰華躋衡廬且復讀破萬卷書坐井觀天  
見胡小身在一室心九隅冠蓋勞勞觴詠孤五百四峯

高莫俱

時讀黎二樵詩

鉢肝劙腎故生峭煙雲變態增駭吁自

鄙以下嗤其餘上配陳屈

謂獨翁山

名不虛願君努力繼

芳躅圭璧未便磨礪疏魚膾瑩滑冰紋腴鶴眼潤滋蕉  
葉枯傳聞絕品在西洞縋幽鑿險紛輞轄還問茭塘李  
大夫作詩可與治硯殊講堂花事定爛漫爲我一再敲

唾壺

志城太守舉第四子懿叔用東坡賀子由生第四

孫韻邀予同作

乾坤化育宏雨露日滋沐根深實乃茂何必著五浴矧茲受中者先天無剝復聯翩慶充閭明月胎蚌腹百男詠螽斯三索奚云足荔枝側生貴英俊符品目經緯韓氏絲璠璵王家玉我知湯餅筵詩翁巨觥沃醉吟洗兒詞敲斷西軒竹裁箋索我和造語先避熟留待小於菟異日將詩讀犀角好豐盈阿伯謂筠仙中丞快凝囑神童有

李泌謂筱荃方伯令嗣大器後來卜願兒共騰驤興宗慰家督

德奮送折枝紅棉介以洋蛱蝶二盆戲作短歌

荔枝灣頭園丁來海山拘取赤玉杯花中豪傑絕無比

生面特爲炎荒開亭亭百尺凌霄艷嘉名不許若華占  
難得英雄伴美人小樣春駒下壇坫碎瓊弄影雙蹁躚  
柔姿媚態殊可憐宛似虬髯對紅拂卽色卽空宜悟禪

世俗三朝洗兒淪雞卵朱之以貽戚友名曰喜蛋

此風蓋南北皆然懿叔於志城之饋次前韻屬

和

曷云藏生卵飛鳥仁恩沐渾淪五德備以佐嬰兒浴豪  
家染藍茜荆楚古風復唐人寒食節提筐飽枵腹天地  
且象斯胚胎一丸足頑虬混顏色紫鳳賽名目坡公曾  
有詞錢犀果則玉莫嫌區區微何點語紅似桃花沃笑彼

兼斤鮫

楊維楨詩鮫卵  
兼斤傳海上

徒壓釣竿竹樹柵

秋漫喫少陵

句應熟取譬中民性載將繁露讀卽事求故實插架琳

瑯觸粗窓論

具在鹽鐵論食必趣

時楊豚韭卯

趣時勞董督

春陰遣悶三疊前韻

海國蛟龍多噓氣便溟沐陽烏匿何處不肯咸池浴油  
雲漬碧空輪因往而復餘呀鼓風口蓬勃蒸嶺腹扶犧  
殷望澤且夕滂沱足似聞齊安境流離嗟滿目雙溪泉  
萬川荷戈正炊玉出門問米價云待秧畦沃去年春苦  
潦倒瀉若銀竹今歲雨膏嘶石燕飛未熟方午天欲晡  
有書亦嬾讀園花不知愁逞艷且凝睇耽吟癖難化老

矣自程督

晴窗卽景四疊前韻

天公忽放晴凝寒轉燠沐側耳鳩亂呼問候蠶已浴門  
前龍眼樹摩空翠紫復山桃子離離計日果吾腹紅紫  
經醞釀花開十分足滉漾白琉璃恬心更瑩目後極地  
雖隘森梢蠹青玉傍有木犀香靈雨新灌沃隔牆大葉  
榕掩映數竿竹還思添舫齋局南有荒畦可築亭榭不令詩境熟

招我二三友得句快先讀如牽岸上船風月恣眺矚有

園堪買夏良會此時卜茆圭辦咄嗟底事問都督

懿叔再詠洗兒喜蛋索和五疊前韻

遯翁詩中豪百戰不澗沐吐辭有仙氣身將美酒浴我  
無三拜才亦欲強誇復累卵輒忘危數典訛便腹似鴨  
撥花成比鳧飭盤足血肉未剖判鸞鶴共稱目煮之色  
不變堅等崑崙玉取以祝孩提上壽躋渚沃遼巡離繡  
祿跳踉便騎竹吾家小阿同謂次兒索果見客熟人物爲  
卵白瑤璣記須讀沈約論慈悲浮雲一般囁雕鏤莫增  
華梯黃曾助卜試問卅二兒見山海經注誰歟萬人督

答懿叔爲郎君移居六疊前韻

乾坤皆逆旅東西任飄沐甫隨白駒過又逐黑鳥浴嗟  
予涉宦途何日故鄉復半闕縱荒頽林泉時挂腹長安

廩移居輭紅插雙足最好是橫街西山青在目自從到  
嶺南疏慵負腰玉病去詩膽壯愁來酒腸沃五年住韶  
石把杯多繞竹檣舟越臺邊重見荔枝熟遺架上存  
付與張憑讀京華滯遊子謂大兒老夫每延矚掩卷同浩  
歎前路渺難卜終朝作馬牛甘受一鞭督

讀懿叔放言詩有觸於申報以莊論七疊前韻

美惡易轉移願人具齋沐所憂方寸汚奚取身九洛世  
間不平事數定邊報復紛紛說恩怨聽之堪捧腹匪存  
退步思胡能知止足虛聲容易盜審慎顧厨目珍茲餽  
貧糧陋彼豐年玉防危乃獲安處瘠轉勝沃可憐誤膠

杜翻謂有成竹炎涼閱今古不用揣摩熟豁然塵障開時展舊書讀歧途與捷徑掉頭莫瞻矚升沈聽諸天無勞詹尹卜勉哉正道趨我畏聖賢督

訓志城題嶺南倡和集八疊前韻

去年韶山下清徽甫霑沐云從瀟湘來泛海看日浴兄公韓釋圭介弟林君復風雅見眉宇書卷撐滿腹裏中出詩草律細才力足齊名伯仲間當代賢豪目他山獲砥礪砥硃乃潤玉琴桐數蕉尾笙瓠宜曲沃塗畦滌凡響入破叶羌竹譬猶老樂工按譜音節熟自聆陽春調覆瓿那堪讀古人示門徑澄思動遐矚鼓勇屢挑戰勝

負未敢卜壇坫難獨雄且讓將軍督

三月初六日志城用東坡子由生日韻賦詩爲壽  
適子奉檄兼攝藩篆次韻報之

輕材縮雙符年已五十一晝勤夜則誦媿弗如步陽勞  
生入塵網偷閒固難必知交莫貢諛虛名恒失實儘多  
立仗馬怕遭一鳴黜羈棲戀芻豆未見能事畢李侯方  
治兵謂星衢同年督師防剿東江丈人卜云吉埽除天下任安肯圍  
一室可憐困持籌深悔不投筆欄邊花笑我孤負暮春

日

龍祠禱雨用東坡和李邦直沂山祈雨有應韻

冥漠竟可通彼蒼若有耳三春旱象成去夏日無幾  
七日隨澄泉相國筠仙中丞步驛至壇日晡卽得大雨步驛至壇日晡卽得大雨 爐烟散作白雲飛警看萬  
瓦魚鱗洗豐隆忽隨屏翳來颶母卻走聞雌雷連朝懊  
惱風賊雨西樵千疊紅霞堆空堂梵唄雜鯨吼神道設  
教民信否荷蓑戴笠休辭慵居然炎海起伏龍今年逢  
閏節尙早滂沱一雨興田工兆民根本在年穀調和元  
氣長官責天人感應洵不誣成湯六事猶自効

重修西園用東坡八首韻

故里久荒蕪蘿生仲蔚蒿一樣未可卜役役形爲勞乾  
坤等逆旅塵網奚能逃得居華屋中異寵天流膏忍令

瓦礫堆園空地不毛寂寥南牆陰修竹亭亭高  
小齋廳事西公餘儘閒適琉璃窗洞開棐几明借栗游  
行輒礙步半畝何處乞遙睇白雲峯身困情則逸或曰  
惟德馨古人銘陋室官府本傳舍朝朝冠蓋出有廢莫  
敢興迂論正不必

莫春召公輸陰陽審向背亭榭舊基失風灾歲橫艾

壬戌

孟秋颶

我意拓舫齋顏曰碧玲瓏館聊供詩酒會四圍不安壁

噫氣容大塊迤南地最宜掩映叢篁外因高施畚築穿  
徑理榛檜構屋如作文先有主腦在此間卽橫樓酒艇名

可以烹玉膾

平生所涉厯閉目悉能數游粵但言粵可知非誑語迴  
廊三百間海山擅豪舉曩游甫及半景物難覩縷妬煞  
老東洲旦夕筇杖拄謂何貞翁妙哉化平直匪僅蔽風雨營  
環亞字闌隨地停檻曾我畧仿其意經營規寸土繚曲  
往而復匠心費幾許

勉茲一簣覆毋任三徑荒東偏起崇臺臺下爲延月榭清輝堪  
眺望雙桐種碧玉楷葉撐空蒼小築迓甘霖謂喜雨亭萬隴

齊蕃昌不待工作畢呼朋來相羊言尋山畔池遺蹟園

丁志

面亭曰可沼添匠施斤斲多栽碧筒杯避暑仿公慤匠

人對我言光陰猶電雹茲園山石富人巧天工學玲瓏  
萬千狀咫尺儼瓊岳颺母太不情奮怒埽確犖歸然兩  
峯秀雲根露華渥使君儻不信開土見芒角取土中亂石添作峯  
岫然皆不及兩峯之奇特矣

擾擾城市內神往田家村縛籬饒野趣扶藤上短垣盆  
花番舶至簇錦侔天孫圍成乾鵠噪喜報客填門謂爾  
溪欽善相對蘇雲門製茄  
鹽官差免俗簪盍風雅存我友煎落蘇

劉昆

夢圓夢正熟惝恍五十年及時且尋樂風月休論錢當

其未修治幾成一稜田草木暢生機芬菲撲茵氳攬勝  
藥洲側訥唱貽後賢詩境那在多毫髮藏大千

碧玲瓈館卽事雜詠

結構依稀似水窗

粵人舟中招飲則曰水窗

治遊何必泛珠江琉璃

一片空明界花影溶溶月滿樓

繁星萬點繞廊明

以鐵絲繫琉璃小盞注蠟燃之五盞爲一串燦爛可觀

若照霓裳豔倍生除是神仙能縮地當筵飛下遏雲聲

薦供此燈最取盆荷移植池中復浚井以資挹注

宜於夜劇故戲及之

花樣新添急就章井泉終日辘轳忙

取盆荷移植池中復浚井以資挹注

天邊收卻炎官纖翠蓋翻風送晚涼

一抹臘脂返照侵  
明年補種樹成林  
空亭日午不知暑  
借得綠榕牆外陰

判牘餘閒散步來  
詩人笑口對花開  
丹砂碧玉非凡種  
十八封娘費剪裁

經旬不到長官衙  
剪燭西窗樂事賒  
今夏潘園無黑葉  
耐寒飽嚼白雲瓜

題薌溪詹言臘草

賈董文章閒世才  
稜稜風骨振西臺  
登舟依舊魚龍避  
萬里滄溟一鏡開

曾賓谷先生長壽寺後池修禊圖爲僧成果題

我生之初有此圖

圖作於嘉慶乙亥上已越三日予始生

及我見圖成老

夫五十年前客修禊文采照耀天南隅

我亦半帆亭上

客

庚申秋寓此

爲問小浮可如昔

池中有小浮山

琴韻歌聲想像之

後來俯仰皆陳迹今春欲往池上游簿領靡暇呼朋儔

虹園詩卷惜未覩

賓谷詩自註云昔在揚州紅橋修禊距今二十年矣

妙墨何幸

山門笛

苦熱病癆右肘成瘍戲作俳語解嘲三首

平生怕作趨炎人六年底事炎荒住大冶洪爐氣候偏  
多恐羲和授時誤嶺南酷熱天下無火雲薰蒸赤海枯  
冰蠶有絲不敢吐合浦幾見招涼珠

瘞瘞載於素問篇汗出生溼理固然兒童所病老愈甚  
那惟石湖思問天范成大問天醫賦爲瘞瘞瘞瘞爲瘻瘞黃塊磊填胸先未化不寒而栗更堪詫芒刺在背可奈何俗倚胡牀吟興

罷

肘懸雙印殊自愧此身直爲官所累養癰成患半如斯  
寄語籌邊諸將帥瘞瘞未復嗟吾氓梅州六月猶屯兵  
披衣忽覺痛楚失扶病仰看天槍明

一日復一日五首

一日復一日荷戈原上嬉避兵如避冠老父哭江濶前  
村捉鵝鴨後村攫穀米市墟十九空民困可知矣

一日復一日虎狼城市屯披猖任所之到處皆生門下  
令催進攻江漲不得渡彼眾而我寡豈敢擲孤注

一日復一日喧呶但索餉轉輪等泥沙兵驕賊勢長古  
人曰神速于今殊不然徐徐議移營怕揮祖生鞭

一日復一日捷書絡繹至借問寇平未寇平兵無事東  
營共烹羊西營正呼盧且磨盾鼻墨博取腰金紓

一日復一日遷延去說降僥倖便免死下馬擁戟幢回  
看賊巢中如山堆白骨殺人乃得官驚倒帳下卒

碧玲瓏館獨坐對月

珠江江上月光影入重城一片圓靈相中含太古情露

荷浮爽氣風竹湧秋聲燈火樓船客籠煙看不明

馮爾欽於四月至嶺南適西園落成余館之於延

月榭迨閏五月曹薌溪亦從海上來同屋而居

長安故交久離倏合論心斗室靡閒晨昏計自

沈理簿書六年中無此樂境也忽忽百八十日

兩君皆將北歸別緒愴然與秋風俱厲爰賦四

律以當驪歌

故人念我羈炎嶠遠泛銀濤一葉舟頓使西園成雅集  
宛於大海聚浮沤舊栽叢篠當窗韻新築迴廊取徑幽  
往日春明曾質廡戊午己未在京師借居爾欽之屋君來遮莫且淹留

正燒官燭接戎談萬柄荷珠凍雨酣銷夏筵開青雀舫  
遊仙人到白鵝潭謂薌溪風波那覺重洋險世味誰如苦  
境甘招悵相逢皆老態科頭坐石嬾衝參

無計招涼入綺疏詩壇冷落醉鄉虛眼花孤負杯中物  
肘柳拋荒案上書薌溪病目甚劇予亦患肘癱纏綿六十餘日竹榻迎風借  
偃仰冰甌溽暑快湔除朱雲門從番舶買冰見贈同思車馬長安道  
勞逸於今迥不如

挑燈厯厯紀游蹤薌溪有航海日記浩蕩全消磊塊胸尙有雄  
心嘲佛骨予以暹羅僞佛骨示薌溪子以能師烏目寫山容薌溪贈予畫扇仿烏目山  
人神似採雲黃海神先王爾欽還欽踏月青溪興頗濃薌溪將由吳門

至白下此後相思越臺畔何時同聽景陽鐘